

**PEMBERITAHUAN PERTANYAAN BERTULIS DEWAN RAKYAT  
MESYUARAT KEDUA, PENGGAL KEEMPAT,  
PARLIMEN KEEMPAT BELAS**

---

**PERTANYAAN : JAWAB BERTULIS**

**DARIPADA : TUAN OSCAR LING CHAI YEW [ SIBU ]**

**SOALAN**

Minta **MENTERI BELIA DAN SUKAN** menyatakan program Kementerian yang dianjurkan di SibU pada tahun 2018-2021 di SibU. Senaraikan dana yang disalurkan ke pejabat belia dan sukan di SibU untuk menganjurkan aktiviti pada tahun 2018-2019 mengikut tahun.

**JAWAPAN**

**Tan Sri Yang di-Pertua,**

Pejabat Belia dan Sukan Bahagian (PBSB) berperanan mendukung penyampaian perkhidmatan dan tindakan dasar-dasar kerajaan diperingkat kementerian untuk disampaikan ke peringkat akar umbi. Malah kefungsiannya diterjemahkan dalam bentuk pelaksanaan program dan aktiviti kepada golongan belia.

Pihak Kementerian terus merangka tindakan jangka masa pendek dan sederhana mengikut SOP semasa yang berkuatkuasa untuk diimplementasikan oleh PBSB dengan melaksanakan program dan aktiviti pembangunan belia dan sukan di peringkat akar umbi agar hasrat kerajaan dalam mengetengahkan 'Keluarga Malaysia' dapat disepadukan dengan menggerakkan peranan PBSB di peringkat akar umbi.

Dari tahun 2018 sehingga Oktober 2021 sebanyak 21 program belia, sukan dan rakan muda telah dilaksanakan di Bahagian SibU dengan penyertaan seramai 62,413 orang peserta manakala dana yang telah disalurkan bagi menganjurkan aktiviti bagi tahun 2018 berjumlah RM23,400.00 dan tahun 2019 berjumlah RM61,700.00. Sekian, terima kasih.

**SOALAN NO : 318****SENARAI LENGKAP PELAKSANAAN PROGRAM DAN AKTIVITI PEMBANGUNAN BELIA, SUKAN DAN RAKAN MUDA  
DI BAHAGIAN SIBU PADA TAHUN 2018 SEHINGGA 2021**

<b>BIL</b>	<b>PROGRAM</b>	<b>BIL PENYERTAAN</b>	<b>TARIKH PELAKSANAAN</b>	<b>TEMPAT</b>	<b>KOS</b>
1.	PROGRAM Y-CAREER-BAKERY	5	23 Hingga 27 April 2018	TEA BAKERY	RM2,000.00
2	PROGRAM AHLI PARLIMEN BELIA	100	20 Julai 2018	BAHAGIAN SIBU	RM3,000.00
3.	PROGRAM SINERGI BELIA	550	April 2018	BAHAGIAN SIBU	RM7,000.00
4	PROGRAM FIT MALAYSIA @COMMUNITY	132	17 Hingga 19 November 2018	DEWAN LEMBAGA KEMAJUAN ISLAM (LAKIS) SIBU	RM1,200.00
5.	LIGA SUKAN UNTUK SEMUA (LISUS) 1. 3 ON 3 BASKETBALL 2. BOLA JARING 3. FUTSAL LELAKI DAN WANITA 4. SEPAK TAKRAW	1000	Mac - April 2018	DEWAN BASKETBALL SIBU STADIUM TUN AHMAD ZAIDI DEWAN SMK METHODIST STADIUM TERTUTUP KPSU, BUKIT LIMA DEWAN SEPAKTAKRAW, KPG. BANDONG	RM2,000.00
6.	HARI SUKAN NEGARA	3500	Oktober 2018	BAHAGIAN SIBU	RM7,000.00
7.	PROGRAM FIT MALAYSIA @ COMMUNITY BAHAGIAN SIBU	90	Mac Hingga April 2018	BAHAGIAN SIBU	RM1,200.00
8.	RAKAN MUDA KREATIF EXPLORACE	51	27 April 2019	SMK JALAN OYA, SIBU	RM2,600.00
9.	RAKAN MUDA RAMADHAN TADARUS AL- QURAN	46	25 Mei 2019	SURAU DARUL JANNAH, KPG BAHAGIA JAYA TEKU	RM900.00

**SOALAN NO : 318**

BIL	PROGRAM	BIL PENYERTAAN	TARIKH PELAKSANAAN	TEMPAT	KOS
10.	PROGRAM INSPIRASI ANAK MUDA (IAM)	90	8 Ogos Hingga 31 Oktober 2019	SEKOLAH TUNAS BAKTI, KUCHING  <b>SIBU</b> SMK ROSLY DHOBY SMK METHODIST SMK NANGKA SMK BUKIT LIMA SMK JALAN OYA	RM10,000.00
11.	MAJLIS PERUNDINGAN BELIA BAHAGIAN, PERINGKAT BAHAGIAN SIBU	41	5 April 2019	DEWAN RTM, SIBU	RM3,000.00
12.	KURSUS KEPIMPINAN ORGANISASI TAHAP 1	40	13 Hingga 15 September 2019	KEM BELIA KEMUYANG	RM11,250.00
13.	FIT MALAYSIA @COMMUNITY SETENGAH TAHUN PERTAMA	321	6 Oktober 2019	DEWAN LEMBAGA KEMAJUAN ISLAM (LAKIS) SIBU	RM1,200.00
14.	INSPIRE I-TALENT	81	6 April 2019	DEWAN MELAYU MELANAU BERSATU SIBU	RM8,000.00
15.	FIT MALAYSIA @COMMUNITY SETENGAH TAHUN KEDUA	417	27 April 2019	DEWAN SUARAH SIBU	RM1,250.00
16.	INSPIRE I-TRAIN	50	5 Hingga 6 Oktober 2019	STADIUM TUN AHMAD ZAIDI ADRUCE	RM8,000.00
17.	BULAN SUKAN NEGARA	30,682	19 Hingga 20 Oktober 2019	PERKARANGAN STADIUM TERTUTUP BUKIT LIMA	RM15,000.00

**SOALAN NO : 318**

<b>BIL</b>	<b>PROGRAM</b>	<b>BIL PENYERTAAN</b>	<b>TARIKH PELAKSANAAN</b>	<b>TEMPAT</b>	<b>KOS</b>
18.	BADMINTON PERSAHABATAN WISMA PERSEKUTUAN BAHAGIAN SIBU	30	30 Hingga 31 Oktober 2019	PERFECT WIN, UTC SIBU	RM500.00
19.	SUKAN E-SPORT SEMPENA HARI MALAYSIA 2020	325	16 September 2020	DEWAN SUARAH SIBU	RM10,000.00
20.	PROGRAM SUKARELAWAN BUKAN KESIHATAN MALAYSIA VACCINE SUPPORT VOLUNTEERS (MYVAC) DI BAWAH PROGRAM COVID-19 KEBANGSAAN (PICK)	280	1 April Hingga 30 Ogos 2021	PPV INDOOR STADIUM SIBU PPV DEWAN SERBAGUNA SIBUJAYA PPV DEWAN PEJABAT DAERAH KANOWIT PPV DEWAN SERBAGUNA SELANGAU	RM159,400.00
21	HARI SUKAN NEGARA PERINGKAT BAHAGIAN SIBU 2021	24,582	8 Hingga 10 Oktober 2021	SECARA HIBRID / VIRTUAL	RM8,000.00

**PEMBERITAHUAN PERTANYAAN BUKAN LISAN  
DEWAN RAKYAT MESYUARAT KEDUA,  
PENGKAL KEEMPAT, PARLIMEN KEEMPAT BELAS**

**PERTANYAAN : BUKAN LISAN**

**DARIPADA : TUAN OSCAR LING CHAI YEW [ SIBU ]**

**SOALAN**

minta **MENTERI PEMBANGUNAN USAHAWAN DAN KOPERASI** menyatakan bantuan yang ada untuk membantu golongan muda Bumiputera Sarawak untuk menceburi bidang perniagaan.

**JAWAPAN**

1. Kementerian Pembangunan Usahawan dan Koperasi (MEDAC) melalui agensi-agensi seperti Institut Keusahawanan Negara (INSKEN), SME Corporation Malaysia (SME Corp. Malaysia), Perbadanan Nasional Berhad (PERNAS), Bank Rakyat dan TEKUN Nasional melaksanakan pelbagai jenis program berbentuk pembiayaan, bimbingan dan latihan, digitalisasi dan akses pasaran untuk membantu usahawan termasuk golongan belia di kalangan Bumiputera Sarawak.
2. Antara program di bawah agensi MEDAC yang boleh disertai oleh usahawan golongan muda dan bumiputera adalah seperti berikut:
  - (i) **Program Tunas Usahawan Belia Bumiputera (TUBE)** oleh SME Corp. Malaysia bertujuan untuk menggalakkan **golongan belia** menceburi bidang perniagaan melalui latihan keusahawanan berkaitan dengan asas perniagaan dan membentuk daya tahan serta jati diri di kalangan belia dalam mengendalikan perniagaan sendiri. Dari tahun 2020 sehingga 30 November 2021, sejumlah 185 belia bumiputera Sarawak telah mendapat manfaat daripada program TUBE ini dengan kos diluluskan berjumlah RM2.68 juta yang meliputi bantuan geran dan latihan;

- (ii) **Program Peningkatan Enterpris Bumiputera (BEEP)** oleh SME Corp. Malaysia bertujuan untuk **mewujud dan membangunkan PKS Bumiputera** yang berdaya saing, berdaya tahan dan dinamik melalui bantuan bersepadu dengan pendekatan bimbingan termasuklah bagi memperkukuhkan teras perniagaan PKS, membina kapasiti

dan keupayaan, meningkatkan produktiviti serta memudahkan akses kepada pembiayaan. Dari tahun 2020 sehingga 30 November 2021, sejumlah 2 syarikat belia bumiputera Sarawak telah mendapat manfaat daripada program BEEP dengan geran keseluruhan diluluskan berjumlah RM0.16 juta;

- (iii) **Program Pembangunan Perniagaan Usahawan Mikro (BizME)** oleh SME Corp. Malaysia menyediakan pembangunan kapasiti melalui latihan dan bantuan kewangan berbentuk geran. Program ini turut memberikan bantuan teknikal dan sokongan kepada perusahaan mikro termasuk **bantuan awal bagi menubuhkan dan mengembangkan perniagaan** serta melatih komuniti inklusif bagi mendapatkan kemahiran baharu untuk menjana pendapatan melalui keusahawanan. Bagi tahun 2021 sehingga 30 November 2021, sejumlah 81 penerima manfaat Program BizME adalah dari Sarawak.

- (iv) **Program Pembangunan Usahawan Siswazah (PPUS)** dan **Program Profesional Muda Bumiputera (ProMuda)** oleh TEKUN Nasional bertujuan untuk membantu **golongan belia Bumiputera** untuk memulakan dan mengembangkan perniagaan. Program ini menawarkan kemudahan pembiayaan sehingga RM100,000. Seramai 7 usahawan belia Sarawak telah diluluskan pembiayaan sebanyak RM0.465 juta dibawah PPUS. Manakala seramai 103 usahawan belia bumiputera Sarawak telah diluluskan pembiayaan sebanyak RM1.649 juta dibawah ProMuda; dan

- (v) **Be Your Own Boss (BYOB)** oleh Pernas adalah inisiatif bagi menyediakan program keusahawanan yang holistik dan berdaya saing. Ianya mensasarkan **golongan belia** yang ingin menceburi bidang keusahawanan terutamanya dalam perniagaan francais dan pra-francais. Peserta projek BYOB akan berpeluang mengikuti latihan yang berstruktur, padanan perniagaan, bantuan pembiayaan dan diberi pemantauan selama 6 bulan apabila memulakan perniagaan. Bagi tahun 2021 seramai 3 usahawan belia di Sarawak telah diluluskan pembiayaan berjumlah RM1.188 juta.

Sekian, terima kasih.

**PEMBERITAHUAN PERTANYAAN BUKAN LISAN DEWAN RAKYAT  
MESYUARAT KEDUA, PENGGAL KEEMPAT  
PARLIMEN KEEMPAT BELAS**

**PERTANYAAN : BUKAN LISAN**

**DARIPADA : TUAN PANG HOK LIONG (LABIS)**

**SOALAN**

**TUAN PANG HOK LIONG** minta **MENTERI KANAN PENDIDIKAN** menyatakan apakah justifikasi Kementerian dalam kegagalannya untuk memberi peranti digital kepada SJKT di kawasan Parlimen Labis walaupun kebanyakan murid-murid SJKT tersebut adalah dari golongan B40. Kenapa murid-murid SJKT di Kawasan Parlimen Labis terpinggir dalam program Inisiatif Tabung CERDIK.

**JAWAPAN**

**Tuan Yang di-Pertua,**

Inisiatif Tabung CERDIK yang diluluskan dalam Belanjawan 2021 adalah satu inisiatif pemberian peranti digital lengkap dengan pelan data kepada 150,000 orang murid B40 yang dilaksanakan oleh Yayasan Hasanah, sebuah yayasan di bawah Khazanah Nasional. Tabung CERDIK merupakan satu inisiatif tanggungjawab sosial korporat (CSR) oleh syarikat berkaitan kerajaan (GLC) dan syarikat pelaburan berkaitan kerajaan (GLIC).

Yayasan Hasanah menguruskan sumbangan peranti digital dan pelan data daripada GLC dan GLIC serta menyelaras penghantaran peranti digital berkenaan ke pejabat pendidikan daerah (PPD), Kementerian Pendidikan Malaysia (KPM). Peranti digital yang diterima oleh KPM akan terus diagihkan kepada murid B40 yang telah dikenal pasti. Semua 150,000 peranti digital di bawah inisiatif ini telah selesai diagihkan kepada murid B40 terpilih pada



29 Oktober 2021.

Penentuan bilangan peranti digital yang diagihkan kepada murid B40 dan pemilihan sekolah adalah berdasarkan kepada kriteria yang ditetapkan seperti berikut:

- i) murid B40 yang dikenal pasti di sekolah bawah KPM;
- ii) senarai sekolah rendah dan sekolah menengah disusun mengikut kedudukan bilangan murid B40 tertinggi bagi kohort Tahun Empat dan Tingkatan Tiga di setiap PPD;
- iii) pemilihan sekolah di setiap PPD dibuat dengan mengambil kira keseimbangan lokasi sekolah di kawasan bandar dan luar bandar serta mempunyai kemudahan capaian Internet dan bekalan elektrik di kawasan sekitarnya; dan
- iv) setiap murid B40 dalam kohort Tahun Empat di sekolah rendah dan kohort Tingkatan Tiga di sekolah menengah yang terpilih akan menerima peranti digital Tabung CERDIK.

Untuk makluman Ahli Yang Berhormat, pengagihan peranti digital dibuat berdasarkan sekolah yang memenuhi kriteria di setiap PPD. Bagi Parlimen Labis, enam buah sekolah menepati kriteria mengikut susunan keutamaan seperti yang ditetapkan.